

կոծ Սիւրբիան վերջնապէս հանդիստ էր առել, եւ հայկական ուշիմ, բարերար եւ շինարար ոգին իր հզօր եւ իմաստուն թագաւորի ղեկավարութեամբ ամբողջ Փոքր Ասիան մղում էր ղէպի մի լուսաւոր ու բարգաւաճ ապագայ: Եւ այս բոլորը հազիւ մի քսանհինգ տարում:

Ահա այս է որ Պլուտարքոս քինալինդիր եւ անիրաւ լեզուով անուանում է «քսանհինգ տարուայ բռնութիւն» եւ Փոքր Ասիայի մեծագոյն միապետին՝ անարժանապէս կոչում է «բարբարոս»:

Տիգրանի պարտութիւնը եւ նրա հիմնած պետութեան բեկումը զուտ հայ ազգային խընդիր է: Դա տիեզերական արժէք ունեցող խոշոր պատմական իրողութիւն է, որի հետեւանքները ծանրացան ոչ միայն Հայաստանի, այլ եւ համակ Ասիոյ բախտի վրայ: Դարերից ի վեր չարչարուած եւ ոտնակոխ եղած Փոքր Ասիան յանձին Տիգրանի վերջապէս դտել էր քաղաքական միութեան ուղիղ ճամբան՝ քայլելու համար ղէպի քաղաքակրթական միութիւնը:

Արեւելքն ու Արեւմուտքը իրենց Կիւրոսներով, Դարեհներով եւ Ալեքսանդրներով (Մակեդոնացի) մեծ ու բանուկ բոլլարի էին վերածել ամբողջ Փոքր Ասիան, ուրտեղից աշխարհակալ ազգերը անցնում էին փոթորիկների պէս՝ արորելով ու արիւնոտելով իրենց բիրտ կրունկների տակ տեղական ցեղերը: Եւ առաջին անգամն էր, որ Փոքր Ասիայի ժողովուրդների ծոցից՝ Հայաստանից բարձրանում էր մի մեծագօր արքայ եւ զիտակից այս տառապած ու անիրաւուած ժողովուրդների շահերին փակում էր երկու կողմից շարժուող աշխարհակալների ճամբան՝ «Փոքր Ասիան, տեղացիներին» բարձր նշանաբանով:

Եւ յատկապէս Հայաստանն էր կոչուած ամբողջ Փոքր Ասիայում այս մեծ քաղաքական առաքելութիւնը կատարելու՝ իր աշխարհագրական բացառիկ դիրքով: Հայկական բարձրաւանդակը իր երկնաբերձ, ահարկու լեռներով ու մթին կիրճերով, ամբողջ մեր աշխարհի կեդրոնական սարահարթը, որ մի բնական միջնաբերդի պէս իշխում էր իր շրջապատի բոլոր երկիրներին եւ իջնում էր մէկ կողմից ղէպի Կասպից ծով, Պարսկաստան եւ Միջա-

զետք, ու միւս կողմից՝ ղէպի Սեւ ծով ու Միջերկրական: Համակ Արեւելքի մեծ դարպասն էր Հայաստանը, եւ Տիգրանն էր, որ առաջինն ըմբռնեց իր հայրենիքի առաջնակարգ քաղաքական ու զինուորական արժէքը ու հանճարեղ մտածումով եւ կուռ կամքով վճռեց այդ դրան բանալին իր ստեղծագործ ձեռքերում պահել ի փառս Հայաստանի եւ ի բարօրութիւն ամբողջ Փոքր Ասիայի:

Եւ հրաշք կատարեց Մեծ թագաւորը:

Մշտապէս հակամարտ եւ անվերջ արիւնահեղ բախումներով իրար բզբոտը մանրմունք բաղմաթիւ ցեղեր վերջապէս միանում էին ու հանդարտուում հայոց Արքայից Արքայի գայիսունի տակ: Երեւոյթը նոր էր, եւ իր բարերար հետեւանքները պէտք է լինէին անհաշիւ ու բազմազան: Փոքր Ասիան դադարում էր աշխարհակալների բուլլարը լինելուց եւ ձրբտում էր ղէպի իր ինքնուրոյն զարգացման եւ պետական կեանքը:

Հոռոմի տիրապետութեան հետ կապուած քաղաքակրթական առաւելութիւնները անհնար է ժխտել, բայց ներկայ ղէպընում Փոքր Ասիայում նոր բարձրացող հայ կայսրութեան վրայ քալելով Հոռոմ անթիւ գեղեցիկ կարեւրութիւններ ի դերեւ հանեց եւ անհնարին ու անդարմանելի վնասներ հասցրեց Արեւելքի ժողովուրդներին: Խորտակելով Փոքր Ասիական նորակամ ու խոստմնայից միութիւնը, որ հայ քաղաքական հանճարի դործն էր, եւ կիրառելով «բաժանեա զի տիրեսցես» թալանաւորութեամբ, Հոռոմը մի հարուածով վերականգնում էր այս դժբախտ երկրներում նախկին ստորադաս, անջիղ, անողնաշար վիճակը եւ թըռուառ Փոքր Ասիան վերստին դառնում էր Արեւելքի եւ Արեւմուտքի անվերջ ու արիւնոտ պայքարների համար մի արտասուելի թատերաբեմ: Տիգրանի հիմնած զօրաւոր պետութիւնը, որ բնական եւ անփոխարինելի քաղաքիարական եւ քաղաքակրթական միջնորդ պետի լինէր Արեւելքի եւ Արեւմուտքի մէջ, բարձրում էր մէջտեղից, ազատ ասպարէզ թողնելով չորս կողմից վերստին արշաւող ժողովուրդներին:

Փոքր Ասիան, այնուհետեւ, այլեւս երբեք իր ինքնուրոյնութիւնը, միութիւնը եւ